

于浩◎編

明清史料叢書

續編



源魯先生遺稿

國立編譯館出版



于浩◎編

明清史料叢書

續編

3

國

國家圖書館出版社

殷頑錄

明季野史彙鈔 廿三

第三冊目錄

甲申野史彙鈔

(清)全祖望輯

.....

一

殷頑錄

六卷

卷二至卷六

(清)楊陸榮撰

.....

一

兩朝剝復錄

六卷

卷一至卷二

(明)吳應箕撰

.....

三二七

殷頑錄卷二



國朝青浦楊陸榮采撰南氏



祁彪佳

祁彪佳字弘吉山陰人年十七舉於鄉又四年第天啓二年進士官至掌

河南道尋劄刷卷南都而京城陷福王

監國彪佳首陳綱紀法度為立國本

次及發號用人之事越二日在廷即
議登極彪佳言監國名正請俟發喪
服滿始議其儀高傑駐揚州縱兵淫
掠命彪佳宣諭傑為斬為首者數人
一方稍安是月擢大理寺丞旋擢右
僉都御史巡撫江南蘄州時議復設
廠衛緝事官及廷杖詔獄二事彪佳

上言洪武初官民有犯或收繫錦衣衛當事者非法陵虐高皇帝於二十年焚其刑具是祖制原無詔獄也後乃以羅織為事雖曰朝廷瓜牙寔則權奸鷹犬舉朝盡知其枉而法司無敢雪此詔獄之弊也永樂間設立東廠始開告密無籍竹籍亮徒投為廝役飛

誣遍及良善赤手立致巨萬招承多

出私禱拷怨憤充塞京畿欲絕苞宜苞

苴弥盛欲清奸宄奸宄益多此解事

之弊也若夫刑不上大夫祖宗忠厚

立國之本及逆瑾用事始去衣受杖

刑章不歸司敗撲責貴多及直臣本無

可殺之罪乃加必死之刑血濺玉階

肉飛金陛班行削色氣短神搖朝廷
徒受懷諫之名天下反歸忠直之譽
此杖廷之弊也疏上群閭共撓之姜
日廣力爭乃命五城御史廷杖訪詔獄
廷杖亦迄不行西鎮咸欲寄家江南
憚彪佳威望先以書通問彪佳報書
以大義激動自是無一卒渡江者高

傑尤

傑

驚彪佳剋期往會至期風大

作

傑謂彪佳懦不必報敢渡彪佳携數

卒往傑大駭異彪佳勉以共獎王室

傑曰傑閱人多矣如公傑甘為死時

馬士英輩嫉彪佳甚嫉私人朱統鑣

劾之御史張孫振復希旨劾彪佳謂

初阻沮登極者為潞王也甲申十一月

彪佳移疾去乙酉六月杭州失守彪
佳即絕粒閏六月四日始^結家人先寢
自投於池端坐而逝

徐汧

徐汧字九一長洲人崇禎戊辰進士
官至詹事府右庶子奉使益府使^便道
旋里國破一慟幾絕汧雅好交遊畜

殺妓至是悉屏去福王立召為少詹

使

事未赴痛宗社之喪由朋黨相傾遺

書當事勸以力破異同之見既就職

陳時政七事曰辨人才課職業敦實

恭勵廉恥核名寔紉忠謹憊々以化

恩仇仇去偏黨為言阮馬亂政嫉汗十

月安遠侯柳昌祚疏攻汗謂朝服謁

情面復

潞王於江口有異志又言陛下定鼎
金陵彼公然為討金陵檄所云中原
逐鹿南國倚馬是為何語汧遂移疾
歸明年江寧失守蘄州亦繼下汧肅
衣冠北向稽首投虎邱新塘橋下死
時方盛暑閱三日顏色如生長子枋
字昭法崇禎壬午舉人隱居不仕以

終

黃淳耀 淵耀

黃淳耀字蘊生嘉定人崇禎癸未進士
淵耀字偉恭諸生其弟也南都建
淳耀獨不赴選王師下江南嘉定
亦破淳耀同淵耀入僧舍將自盡僧
曰公未服官可無死淳耀曰城亡與

亡豈以出處二其心哉乃索筆書曰
弘光元年七月二十四日進士黃淳
耀自裁於城西僧舍嗚呼進不能宣
力王朝退不能潔身自隱讀書寡益
學道無成耿耿不昧此心而已遂與
淵耀對縊死

王道焜

王道焜字昭平錢塘人天啟元年舉
於鄉累官邵武同知以賢能徵入京
都而城陷徵服南還杭州失守投繯死

潘集

潘集字子祥翔會稽人布衣聞同里王

毓著殉義為文祭之袖二石及所著

詩文自沉渡東橋下

周卜年

周卜年字定夫夫會稽布衣聞王毓著

死作五噫歌飲酣至海濱持一簡付

牧童曰家人來問以此示之遂赴死海

頃之父至發簡則囑其弟立後事也

父哭曰見死誠當阻屍不可得奈何

明日怒濤湧屍上冠履不失